

BEATITID *Mt 5, 1-12*

Zezi trouv lafoul ki vinn get li
Li mont lor la montagn asize so disip koste
Li pran la parol li koumans koze
Ala so koze ekoute li pou komanse

Bienere seki pov dan so zot leker
Royom Bondie li pou trouve
Bienere seki dou seki pa bate
Li pou gegn later pou partaze
Bienere bann zom ki pe plore
Zot pou souy zot larm zot pou konsole
Bienere bann ki fin pou lazistis
Zot pou rasasie gegn ankor plis

Bienere enn rekonpans pe atann twa
Bienere Bondie tousel pou to lazwa

Bienere bann ki aprann pardone
Bondie pou pardonn tou zot pese
Bienere leker pir zot pou trouv Bondie
Zouvrie lape pou vinn garson Bondie
Bienere tou bann ki persekute
Dan le royom zot pou rantré
Bienere ki soufer gegn maltrete
Si aköz mwa dimounn koz zot koze

ESPERE ANKOR

Laba dan Babilonn sa lepep
Santi li perdi
Li finn derasine imilie
Santi li abandone
Me dan sa siklonn Parol Bondie
Ape soufle
Dan sa leprev pou sa lepep
Enn renesans enn lesperans

Espere ankor azordi

Enn ti lepep dan Losean Indien
Ape kriye
Bondie pa bliye li pe tande
Seki pli tipti
Frer ser morisien kone
Ki to Bondie
Fer twa grandi lor sa tizil
Pou vinn serviter so Levanzil

KOUMA ENN LION

Dan leprev nou finn sorti
Pli for pou nou tini
Derasine, imilie,
Dan sa pei etranze
Noun dekouver seki nou ete
Nou rasinn, nou lidantite
Aster nou retourne
Lor later ki Bondie done

Mo pou for kouma enn lion
Ler mo pou mont lor montagn Sion
Trouv mo lafors kot mo redanpter
Limem mo Segner

Noun aprann ek nou bann lerer
Kinn montre ki nou Segner
Vir anba lao nou maler
Pou tras larout nou boner
Dan douler nou finn konpran
Ki so pasians donn nou letan
Pou ki tou peser konverti
Regegn lafors dan so lavi

ALELOUYA *Lk 24,13-24 / Mt 28, 1-10*

Nou ti pe marse
Pa kone kot pou ale
Apre tou sekinn arive
Patiatann ki nou sover
Pou krisifie
Lor lakrwa linn fer nou onte

Kifer Bondie finn abandonn li
Nou ki ti pe atann lemesi?
Eski li vre seki nounn tande
Ki aster linn releve?

Alelouya Zezi Kri inn resisite
Alelouya lor lamor linn marse

Kifer kontinn per?
Kifer zot ferm zot leker?
Zot pa trouve mo mem LESEGNER
Aret rod mwa
la kot mo nepli ete
Mo divan zot lor larout Galile

Aster ale anons lazwa bondie
Ki tou limanite tande
Pou kouma mwa zot aprann kontan
Mo pou ek zot ziska lafin letan

REPOZE *Mt 11, 28-30*

Vini repoz
Dan mo lape
Vinn repoz twa
Dan mo lazwa

Vini depoze
Seki fatig twa
To lapenn
To traka

Eski to panse
To Papa
Pwabandonn twa
Les twa koumsa?

Eski to panse
To Bondie
Kinn kree twa
Pou les twa tonbe?

PSOM

Mo vinn ver twa Segner
Dimann to proteksion
Pa les mwa tonbe
Montre to fidelite
Ekout mo lapriyer
Tande mo pe kriye
Tomem mo sitadel
Deliv mwa Bondie fidel

Mo remet Segner mo lavi
Dan to lame
Mo promet Bondie mo pou swiv
To bann sime

Segner mo dan tourman
Mo lekor fatigue
Gro sagrin pe trape
Mo lespri mo lasante
Devan mo bann lennmi
Mo feb mo deperi
Me dan twa mo konfians
Segner mo delivrans

Père Laurent Rivet Tex, konpozition, lavwa ek lagitar

Ricardo Thelemaque Klavie

Frédéric Dorlin Batri ek perkision

Kersley Pytambar Bas ek Kontrebas

Brandon Thiboudois Lagitar

Frédéric Cloridor Tronbonn

Joevanie Bienvenue Tronpet

Ivan Bazile Sax

Daniella Ardore ek Jennifer Vincent Ker

Dominique Gerie Lagitar

Véronique Préaudet Violon ek flit

Frédéric Francois Klavie ek aranzman

Nilay XXX priz son @ Scorpio Studio

Richard Hein mastering @ Kapricorn studio

BIENERE
Père Laurent Rivet
&
Zezi Utd



www.perelaurentrivet.com

Youtubechannel: Père Laurent Rivet

Lamizik anvant online lor bann platform mizikal

BABILONN *Zr 51*

Tande ekoute Izrael
To Bondie ki pe koze
Twa ki ti derasine
Lor later sa bann etranze
Twa pep ki ti imilie
Remet rob to dignite
LESEGNER pou kondir twa
Lor later ki linn promet twa

Babilonn ape tonbe
Later ape tranble
LESEGNER finn amenn so liberasion
pou nou aklam, pou nou sant so nom

Tande ekoute mo lepep
Get bien ouver to lizie
Pou to trouve kitousa bann royom ki pe monte
Enn zour dime zot pou gegn kogne
Enn bann zean enn bann pwisan
Ki servi violans pou domine
Zot pou tonbe pou revinn lapousier
Divan laglwar leternel nou Segner

TROUVE LA PAIX

Pour une sœur qui vit au pied du mur...

Le mur de la haine est brisé
Du coeur de Dieu nous sommes tous héritiers
Tout combat est désormais
Vaincu par la douceur du crucifié
Toute violence désarmée
Par ce Dieu à genoux qui te lave les pieds
Heureux les artisans de paix
Fils de Dieu ils seront appelés

En toi trouve la paix
Et des milliers seront sauvés à tes côtés

Sur cette terre promise à ses enfants
Nourrie de cris, de pleurs et de sang
Le pèlerin toujours espérant
Refuse de s'arrêter à la justice du violent
Il ne peut choisir d'autre camp
Que le coeur de Dieu incandescent
Seul celui qui traversant la nuit
Au matin blessé mais debout sera béni

PSOM

Kouma soley leve
Mo leker rode
Tomem mo Bondie
Kot to ete?
Mo dezir to prezans
Mo lekor antie
Pe rod twa lao
Kouma later rod delo
E kan lanwit koste
Mo alonze
Mo pa aret medite
Lor to bonte
Dan lonbraz to lezel
Mo sant mo lazwa
Tou mo leker may ar twa
To lame protez mwa
Mo pou sante
Dan to sanktier
Pou mo selebre
To mazeste to grander
Tou mo lavi
Mo pou loue twa
Lev lame lao
Pou glorifie twa papa

BIENERE

Zis apre vizit Pap Franswa dan Moris...

Bienere twa ki mett to lafors dan LESEGNER
Bann simin ape ouver dan to leker
Bienere twa ki pardone
Dan lamour to pou parfe kouma to Bondie
Bienere twa ki kouma li tras to sime
Omilie mepri ek laenn, to kontign traverse
Bienere ler trouv lazwa
Dan rekonesans lamour gratis to papa

Bienere pou apel twa zanfan Bondie
Bienere to pou gout lazwa leternite
Bienere pou apel twa zanfan Bondie
To leritaz royom bondie

Bienere twa ki priy pou bann ki fer twa ditor
Dan to leprev LESEGNER pou fer twa vinn for
Bienere ler zot pou frap twa
To reponn avek lamour pwisans so lakrwa
Bienere si dan to lavi to realize
Ki pa vo lapenn perdi letan bate rande
Ennta gaspiyaz lenerzi perdi
Ler to rod vanzanz lor to bann lennmi

Bienere si to investi dan lamitie
E fer ki tou zom lor sa later pe vinn to frer
Bienere travayer lape
Ki touzour pare pou konstrir fraternite
Bienere si to pa gegn per to frazilite
To pou akey bann pov bann feb san to zize
Bienere si to pa kondane
Enn mezir ki deborde pou dan to tablie

BIENERE
Père Laurent Rivet
&
Zezi Utd

